

Қазақстан Республикасы Жинақ банкісінің салымдарында жатқан халықтың ақшалай қаражатын қорғау туралы

Қазақстан Республикасы Министрлер Кабинетінің қаулысы 3 тамыз 1992 ж. N 647

Азаматтардың ақшалай қаражаттарын Қазақстан Республикасы Жинақ банкісінің мекемелерінде сақтауға мүдделілігін арттыру, бөлшек сауда бағасының күрт өсуіне байланысты салымшылардың мүдделері қорғалуын қамтамасыз ету мақсатында Қазақстан Республикасының Министрлер Кабинеті қаулы етеді:

1. Халықтың балалар, қорлану, мақсатты автомобиль және тұрғын үй салымдарында, сондай-ақ мерзімді салымдардың (бұрынғы КСРО Президентінің "Бөлшек сауда бағасының бір мезетте өсуіне байланысты ақша қаражатының құнсыздануынан халықтың шеккен зиянына өтем жасау туралы" 1991 жылғы 22 наурыздағы N 1708 Жарлығына сәйкес ашылған өтем жасау есепшоттарында жатқан сомалардан басқалары) барлық түрлерінде жатқан ақшалай қаражаттарының құнсыздануынан шеккен зиянына өтем жасалсын.

Өтем жасау 1993 жылдың 1 қаңтарындағы жағдай бойынша аталған салымдарға 1992 жылғы 1 тамызда есептелген қалдықтарын 50 процент өсіру жолымен жүргізілетін
б о л с ы н .

Аталған өтем жасау республикалық бюджеттің қаржысы есебінен жүргізіледі және оларды есептеу аяқталғаннан кейін 1993 жылдың 1 сәуірінен бастап халыққа төленеді
д е п б е л г і л е н с і н .

Қазақстан Республикасының Қаржы министрлігі өтем жасауға арнап есептелген соманы 1993 жылдың 1 тоқсанында Жинақ банкісіне қайтаратын болсын.

2. 1992 жылғы 1 тамыздан бастап халықтың салымдары жөніндегі проценттік ставкалар орта есеппен 2 есе арттырылсын.
Қазжинақбанкісі Қазұлттықмембанктің келісуі бойынша сақталу мерзімдеріне қарай салымдардың түрлері бойынша проценттік ставкалардың нақты мөлшерін анықтасын.

3. Қазақстан Республикасының Жинақ банкісі салымдарды қайта бағалау және проценттер есептеу жөніндегі жұмыстың уақтылы жүргізілуін қамтамасыз етіп, халыққа қызмет көрсету сапасын арттыруға шаралар қолдансын.

Қазақстан Республикасының
Премьер-министрі

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК